

ԱՐՁԱՆԱԳՐՈՒԹՅՈՒՆ

Ք. Երևան

29.04.2025թ.

2025 թ. ապրիլի 29-ին ժամը 11:00-ին Երևան քաղաքի Մալաթիա-Սեբաստիա վարչական ղեկավարի նստավայրում (հասցե՝ ք. Երևան, Սեբաստիա փող. 23) օրենքով սահմանված կարգով տեղի է ունեցել Երևան քաղաքի Մալաթիա-Սեբաստիա վարչական շրջանի Ծովակալ Իսակովի պողոտա հ. 21 հասցեում բազմաֆունցիոնալ հասարակական համալիր կառուցելու վերաբերյալ երկրորդ հանրային լսումը:

Հանրային քննարկմանը մասնակցում էին Շրջակա միջավայրի նախարարության «Շրջակա միջավայրի վրա ազդեցության փորձաքննական կենտրոն» ՊՈԱԿ-ի փորձագետ Վարդան Հարությունյանը, Մալաթիա-Սեբաստիա վարչական շրջանի աշխատակիցը, Երևանի քաղաքապետարանի բնապահպանության վարչության ներկայացուցիչը, նախաձեռնող և ՇՄԱԳ իրականացնող ընկերության ներկայացուցիչները, Երևանի ավագանու անդամները, ինչպես նաև համայնքի բնակիչներ:

Բացման խոսքով հանդես եկավ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Վարդան Հարությունյանը: Նա նշեց, որ փորձաքննության գործընթացն իրականացվում է «Շրջակա միջավայրի վրա ազդեցության գնահատման և փորձաքննության մասին» օրենքով սահմանված կարգով և ներկայացրեց փորձաքննության գործընթացը, նշեց, որ փորձաքննության գործընթացին մասնակցել են պետական կառավարման մարմինները, տեղական ինքնակառավարման մարմինները և ՇՄՆ ստորաբաժանումները, խոսեց նախատեսվող գործունեության արդյունքում շրջակա միջավայրի վրա հնարավոր ազդեցությունների և բնապահպանական ռիսկերի մասին: Նշեց, որ նախաձեռնողը ՇՄԱԳ-ում նախատեսել է մի շարք մեղմացուցիչ միջոցառումներ, որոնք հնարավորություն կտան մեղմելու և նվազեցնելու հնարավոր ազդեցությունները: Հարությունյանը ներկաներին տեղեկացրեց, որ առաջարկություններ ունենալու դեպքում կարող են դրանք ներկայացնել բանավոր կամ ուղարկել «Շրջակա միջավայրի վրա ազդեցության փորձաքննական կենտրոն» ՊՈԱԿ-ի պաշտոնական էլեկտրոնային փոստին և խոսքը փոխանցեց նախաձեռնողի ներկայացուցիչներին:

Նախաձեռնող թիմի ներկայացուցիչ՝ Ֆ. Հակոբյանը ներկայացրեց նախագծի մասին տեղեկատվությունը, հստակեցրեց տեխնիկական ցուցանիշները:

Հարցեր հնչեցին Երևանի ավագանու անդամ Ա. Քոչարյանից ջրահեռացման համակարգերի համար անհրաժեշտ տեխ պայմանների առկայության մասին, որին ի պատասխան Ֆ. Հակոբյանը նշեց, որ «Վեոլա ջուր» ՓԲԸ-ից արդեն ստացել են տեխնիկական պայմանները, Ա. Քոչարյանն էլ առաջարկեց ուսումնասիրություններ անել, հասկանալու համար արդյոք տեխնիկական պայմանում նշված ջրահեռացման համակարգի հզորությունը կբավականացնի համալիրի սպասական համար: Հարցեր առաջացան նաև կոյուղու համակարգերի մասին, որոնց տրվեցին սպառիչ պատասխաններ:

Հարցեր հնչեցին նաև ապաստարանների առկայության մասին, որին Ֆ. Հակոբյանը պատասխանեց, հստակեցնելով որ նախատեսվում է պարզագույն ժամանակավոր թաքստոց:

Երևանի ավագանու անդամ Ա. Քոչարյանը հարց բարձրացրեց նաև երթևեկության ծանրաբեռնվածության և ավտոկայանատեղիի մասին, Ֆ. Հակոբյանը պատասխանեց, որ երթևեկության ծանրաբեռնվածության ուսումնասիրություններ են արվել և նախատեսվել է այնպես, որ համալիրը հնարավորին չափ քիչ ազդեցություն ունենա երթևեկության վրա, սակայն Երևանի քաղաքապետարանի բնապահպանության վարչության ներկայացուցիչը հստակեցրեց, որ քաղաքապետարանի համապատասխան ստորաբաժանումը հաշվարկել է և նշել, որ նախաձեռնողը պետք է վերանայի երթևեկության հաշվարկները, քանի որ առաջանում է հավելյալ ծանրաբեռնվածություն:

Հանրային լուծումները անցան արդյունավետ քննարկման մթնոլորտում, քննարկման մասնակիցները կողմ արտահայտվեցին նախատեսվող գործունեության վերաբերյալ: Ներկաների կողմից այլ հարցեր չհնչեցին, Վ. Հարությունյանը ամփոփեց հանրային լուծմը և շնորհակալություն հայտնեց ներկաներին:

Վարող և քննարկումների պատասխանատու՝



Վ. Հարությունյան

Նախաձեռնողի ներկայացուցիչ՝















Գ. Գալստյան

ՄԱՍՆԱԿԻՑՆԵՐԻ ՑԱՆԿ

«Վեգա Ուորլդ» ՍՊԸ-ի կողմից Երևան քաղաքի Մալաթիա-Սեբաստիա վարչական շրջանի
Ծովակալ Իսակովի պողոտա 21 հողամաս հասցեում բազմաֆունկցիոնալ հասարակական
համալիրի կառուցման շրջակա միջավայրի վրա ազդեցության գնահատման
հաշվետվության վերաբերյալ հանրային երկրորդ լսում

29.04.2025 թ.

Հ/Հ	Անուն, Ազգանուն	Կազմակերպության անվանում/ բնակության վայր	Կոնտակտային տվյալներ	Ստորագրության
1.	Էդուարդ Դանյան	ԵՊՔ. Երևան		
2.	Վարդանյան Դավիթ	ԵՊՔ. Երևան		
3.	Երվանդ Զեքուրյան	ԵՊՔ. Երևան		
4.	Անուշ Գևորգյան	Գ. Վ. Երևան		
5.	Պրոսպերյան Իսա			
6.	Շիրազյան Գրիգոր	Երևան		
7.	Դավիթ Զեքուրյան	Երևան	delixhakobyan@gmail.com	
8.	Դավիթ Զեքուրյան	Երևան		
9.	Մելիքյան Արամ	Enterprise Armenia	anam.melkonian@isc.am	
10.	Վահագն Զեքուրյան	Երևան		
11.	Վահագն Զեքուրյան	Երևան		
12.	Զեքուրյան Արամ	Երևան		
13.				
14.				
15.				